

1473

東
塘
集



東塘集

四庫全書珍本初集

集部
別集類

詳校官右中允_臣薩敏

主事_臣呂雲棟履勘

謄錄監生臣張曾壇

謄錄監生臣范維城

欽定四庫全書

集部四

提要

東塘集二十卷

別集類三

宋

臣等謹案東塘集二十卷宋袁說友撰說友

字起巖建安人流寓湖州登隆興元年進士

第嘉泰中官至同知樞密院參知政事說友

學問淹博留心典籍官四川安撫使時嘗命

屬官程遇孫等共輯蜀中詩文自西漢迄于

淳熙為成都文類五十卷深有表章文獻之功其集則書錄解題宋史藝文志皆不載故屬鶚宋詩紀事僅從楊慎全蜀藝文志採其巫山十二峯詩一首從郁逢慶書畫題跋記採其題米敷文瀟湘圖詩一首而不言其有集則非惟詩文散佚併其集名亦湮沒不傳矣今據永樂大典所載蒐羅排纂得詩七卷文十三卷又家傳一篇不知誰作後半文已殘

缺而前半所叙仕履頗詳亦並存之以備考
證集中題跋諸篇于司馬光韓琦歐陽修蘇
舜欽蘇軾黃庭堅蔡襄米芾諸人皆慨想流
連服膺甚至而跋默堂帖一篇於王安石新
學之失辨之尤詳知其學問淵源實沿元祐
之餘派故其論事之文曲折暢達究悉物情
具有歐蘇之體其詩與楊萬里倡和頗多五
言近體謹嚴而微傷局促七言近體警快而

稍嫌率易至于五七言古體則格調清新意
境開拓置之石湖劔南集中溜澠未易辨別
矣說友敷歷中外凡三十年其政績雖不盡
見于後然章奏敷陳多切時病今集中尚見
大凡其論守淮宜用武臣一疏謂文臣不諳
兵事不宜以邊務委之切中當時坐談僨事
之弊非迂儒之所能言又蜀將當慮其變一
疏引崔寧劉闢王建孟知祥為戒說友歿後

卒有開禧吳曦之變若先事而預睹之其識
慮亦不可及魏了翁鶴山集有祭袁參政文
以耆臣宿弼相推惋悼頗深當非無故宋史
不為立傳殊不可解今收拾于散佚之餘剩
簡殘篇尚能成帙俾其人其文併藉以傳則
是集之存其足補史氏之闕者又不僅在詞
翰間也乾隆四十六年九月恭校上

總纂官

臣紀昀

臣陸錫熊

臣孫士毅

總校官臣陸費墀

臣等謹將所屬各書分年分月分條外
其書之類凡屬史之屬者凡不列在
前次所屬及所屬凡入其文皆係以
不列在書後不可謂今故錄其書之
以書之書後則非其書後則非其書
其書不列在書後則非其書後則非
其書不列在書後則非其書後則非

欽定四庫全書

東塘集卷一

宋 袁說友 撰

五言古詩

連宵得雨應禱

蜀旱昔流行皇恩念凋瘵饑寒乏冬酒烹剥仰春菜二
麥儻復失一飽竟安在當春苦旱乾甘澤未沾沛奔走
山川靈翻覆雲雨改連宵建瓴水萬畝輕花穗如渴飲
得泉如病藥得瘥高原沃清潤熱蒸蒙濯灑只今麥隴

收可以日月待喜氣挂珠玉詞源擁濤瀨自憐憂國願
窘似生體疥得此霖霖益遂入清涼界容我早歸田懷
章東望拜

案此詩上去二聲互押集中此類甚多今悉仍其舊

被旨許浦閱舟歸

皇家百萬兵一一拱行闕盼恩勞軍士有詔消良月鳴
鑾肅天仗君王自親閱旌旗照輦鼓鎧甲耀冰雪金繒
辱君賜再拜高呼疊天子曰嘻哉長江殆虛設雲屯皆
壯士寧有中外別廼命臣某某牘牒均行列許之問軍

旅利害與優劣臣聞疇昔論舟師利通捷出入如風馳
進退如電掣鄉來經始意規置有餘烈更張一何誤事
亦隨廢缺橫舟卧平沙鏊冑半折裂蒙衝纔什五水卒
無梟傑祇今衆弊見禁不一語決往往憂國者無路伸
喙舌小臣愧不敏銜命紆華節願陳一得慮竹頭而木
屑方畧許圖上稽首思罄竭君王赦其愚臣敢畢其說

書懷

攤書志尚友吐吐心如癡上言思堯舜下言商龍夔搜

奇日有富得句中自怡家人問產業即曰非所知

古人不可見古書今可求尋源謝潢汙至味捐珍羞朝
曦去還至夜炬燃復休從此飽文字不聞飢餓愁

采石遇順風

我觀挽强弓去鏃不可止弓力小有盡所至亦無幾又
觀鴻鵠飛冲霄勢難已天高羽翼倦俄復知還矣何如
我行舟雄風東北起危檣張橫幅波濤湧前水青山掠
窻戶白浪送舟尾快哉一帆速何止萬牛比飛蓬偶颭

灩稚子且憂喜衆曰無彼懼天借此風只鳴鉦十數過
瞬目三百里嗟我出修門江淅半經履輕舟縱壑便未
見捷如此頗聞順逆勢殆似倚伏理逆境當反視順亦
無自侈今朝進固銳明日去還弛遲速本何常付之造
物耳

過風頂山

直上風頂山如接天上語環觀千里內此山峙為主循
彼下山脊翠石滿原撫巉巖巧雕刻詭特效蟠舞青

蒼高一色磊塊千萬數光膩細潑油滋腴潤經雨攢天
石林居綿地三茅宇大湖石可並靈壁磬同取少却俄
回首一洞視須俯崖深拱四壁下蟄蛟龍虎梯躡不可
下蹲望深可怖但覺拂衣塵微風洞門鼓太息天地間
紛紛詫竒觀雲收樹陰轉山淨川華吐長吟筆力窮小
憩去程阻

泊采石登蛾眉亭蛾眉山為雲靄所蔽

平生山水緣所閱輒相偶尋幽半江浙領擘如益友我